

*Библиотека Вологодского кафедрального собора*  
**Служба святому праведному  
Николаю Вологодскому.**

**Стихиры на: «Господи, воззвах».**

**Глас 8.**

- 1.** *О, Господи Боже Спасителю наш! / К Тебе, припадая, взываем: / призри и услыши нас, / отверзи уста наша, / да по достоинству воспоём Твоего рачителя, святого праведного Николая, / иже многими подвиги Тя прослави / и Твоея славы наследник явися, / да его святыми молитвами // сия славы причастниками и нас сотвори.*
- 2.** *Приидите вси людие Вологодсти, / и вси хотящии видети славу Божию, / юже стяжа наш молитвенник святой праведный Николай, / во граде Вологде подвизавшийся, / и подвигом юродства прославися, / и неизреченных даров Божиих стяжатель быв, // егоже Бог различными чудесы на земли и на Небеси прослави.*

**3. Приидіте всі лю́діе, / стеце́мся на  
моли́тву, / и возо́пийм к преподо́бному: /  
О́, Нико́лае, / Бо́гу прі́сный о на́с  
предста́телю бу́ди, / не преста́й о на́с  
Его́ моли́ти, / да сохра́ніт гра́д се́й, / и  
вся́ гра́ды и ве́си и лю́ди, / да утверди́т  
на землі́ ми́р // и да́рует душа́м на́шим  
ве́лию ми́лость.**

**4. Приидіте всі су́щии в ско́рбех и  
печа́лех, / к те́плому и ско́рому  
моли́твеннику, / но́вому и пресла́вному  
чудотво́рцу, / и умиле́нно возо́пийм  
ему́: / О́, Нико́лае, / не прэ́зри на́ших  
воздыха́ний, / но́ яко́ име́яй  
дерзнове́ние ко Го́споду, / испо́лни во  
благі́х моли́твы на́ша // и да́руй вся́  
благая́ ко спасе́нию душа́м на́шим.  
Сла́ва Отцу́ и Сы́ну и Свято́му  
Ду́ху.**

**О́, святы́й пра́ведный Нико́лае, / ка́ко  
воспое́м тво́я по́двиги, / кий́ у́м изочте́т  
тво́я страда́ния, / недоуме́ет язы́к  
глаго́лати, / ни бре́нный у́м пости́гнути,**

**вся́ яже ты́ претерпѣл еси́, / и Бо́г  
дарова́ ти́ видети, / от прѣчих человек  
сокровенная, / сего́ ради́ чтѣм и  
ублажа́ем и мо́лим тя: // моли́ спастися  
душа́м на́шим.**

**И ны́не и прѣсно и во ве́ки веко́в.  
Ами́нь.**

**Ца́рь Небе́сный за человеколю́бие на  
земли́ яви́ся, / и с челове́ки поживѣ: / от  
Де́вы бо Чи́стыя плѣть прие́мый, / и из  
Нея́ проше́дый с восприя́тием, / еди́н  
е́сть Сы́н, сугу́б естество́м, / но не  
ипоста́сию, / те́мже соверше́нна Того́  
Бо́га, / и соверше́нна Челове́ка  
вои́стину проповѣ́дающе, / испове́дуем  
Христа́ Бо́га на́шего: / Его́же моли́ Ма́ти  
Безневѣ́стная, // поми́ловатися душа́м  
на́шим.**


## **Стихиры на литии. Глас 3.**

**1.** Ка́ко не подиві́мся лю́дие / таковой  
Бо́жией ми́лости, / я́ко в наш грéшный,  
су́етный и мяте́жный ве́к / Бо́г дарова́  
на́м во утешéние / Своего́ уго́дника и о  
на́с те́плаго моли́твенника, / су́щим в  
ско́рбех утёшителя, / и к Бо́гу о на́с  
хода́тая. / Те́мже и мы вознесéм ему́  
на́ша моле́ния: / о, Нико́лае  
блаже́нне, // моли́ Бо́га спа́стися  
душа́м на́шим.

**2.** До́м пресвётел стяжа́ в души́ твоёй,  
пра́ведне, / в нём же Ду́х Свят обрете́  
себе́ жили́ще, / чи́ст от страсте́й во  
плóти я́ко безплóтен пожив, / яви́ся  
свётлость жития́ твоего́, / те́мже мо́лим  
тя, Нико́лае, / и на́с от страсте́й  
душе́вных и телéсных свободи́ // и  
моли́ спасти́ся душа́м на́шим.

## **Глас 6.**

**3. Духом Святым наставляем, / ум свой  
к Богу вперив, / Его же ради вся  
оставил еси, / богатство и славу мира  
сего ни во что же вменив, / презрел еси  
худшая, / да приобретаеши лучшая, /  
сего ради молим тя, Николае, / помози  
нам истинно работати Христу Богу  
нашему, / моли Его да ум наш  
просветит, // разумевати, что есть на  
потребу ко спасению душ наших.**



## **Стихиры на: «стиховне».**

### **Глас 2.**

**Па́мьять пра́веднаго с похва́лами /  
соверша́ем бра́тие, / то́й бо пра́ведно  
пожи́в, // Бо́жия сла́вы на Небеси́  
насле́дник яви́ся.**

**Возвеселі́тся пра́ведник о Го́споде, и  
упова́ет на Него́.**

**Якоже зрíteль прі́сный Бо́жия сла́вы, /  
и имéяй любо́вь Бо́жию, / о на́с,  
Нико́лае, моли́ся, / да сотвори́т Госпо́дь  
и на́с прича́стники // своея́ вéчныя  
сла́вы.**

**Пра́ведник я́ко фи́никс процветéт, я́ко  
ке́др, і́же в Лива́не умно́жится.**

**Жити́ем твои́м чи́стым угоди́в Бо́гу, / и  
от Него́ на Небеси́ мзду́ трудо́в твои́х  
восприя́л еси́, / моли́ся, свя́те Нико́лае  
блаже́нне, / и на́м стяжа́ти жити́е  
чи́сто, // и получи́ти мзду́ пра́ведных  
свои́х.**

**Сла́ва Отцу́ и Сы́ну и Свято́му  
Ду́ху.**

**Д**не́сь возсия́ на́м ра́дость ве́лия, / Бо́г  
яви́ на́м ми́лость свою́, / дарова́ своего́  
уго́дника свята́го пра́веднаго Никола́я, /  
ско́раго все́м помо́щника и уте́шителя, /  
соверша́ющих све́тло его́ па́мять, / и  
ве́рою к нему́ притека́ющих и по́моци  
прося́щих, / да коему́ждо вся́ я́же на  
потре́бу да́рует // и мо́лит Бо́га при́сно о  
все́х на́с.

**И ны́не и при́сно и во ве́ки веко́в.  
Ами́нь.**

**В**се́ упова́ние мое́ на Тя́ возлага́ю, /  
Ма́ти Бо́жия, // сохрани́ мя́ под кро́вом  
Твои́м.

**Тропарь святому праведному Николаю  
Вологодскому. Глас 4.**

**Я**ко істинный раб и служитель Христа  
Бога, / добре подвижался еси в жизни  
временней: / внемгда работати тебе день  
и нощь Господу своему, / возвещал еси  
грядущая яко настоящая: / презрев вся  
временная блага последовал еси  
Христу, / даровавшему тебе благодать  
исцелений, / темже молимся ти, святе  
Николае, блаженне, / моли Христа  
Бога, // спастися душам нашим.

**Кондак. Глас 4.**

**В**се упование на Господа твоего  
возложив, / отвергнул еси вся красная  
благая временная, / мужественно вся  
претерпел еси / да приобрящеши блага  
вечная, / темже и Христос тя прослави,  
преблаженне Николае, / даром  
пророчества и чудес обогати тя, / и яже  
показа силу молитв твоих; / темже  
молим тя: / яко имущаго дерзновение  
ко Господу, / да молиши Его даровати  
нам мир // и велию и богатую милость.




# Величание.

**Стих 1:** Блаже́н му́ж, боя́йся Го́спода, в за́поведех Его́ восхо́щет зело́.

**В**елича́ем тя, / святы́й пра́ведный  
Нико́лае Волого́дский, / и чті́м святу́ю  
па́мьять твою́, / ты́ бо мо́лиши за на́с, //  
Христа́ Бо́га на́шего.

**Стих 2:** Уста́ пра́веднаго поуча́тся  
прему́дрости и язы́к его́ возглаго́лет  
су́д.



## **По 50-м псалме. Глас 6.**

**Сла́ва Отцу́ и Сы́ну и Свято́му Ду́ху.  
Моли́твами свята́го пра́веднаго Никола́я  
Волого́дскаго, / Ми́лостиве, очи́сти, //  
мно́жество согреше́ний на́ших.**

**И ны́не и при́сно и во ве́ки веко́в.**

**Ами́нь.**

**Моли́твами Богоро́дицы / Ми́лостиве,  
очи́сти, // мно́жество согреше́ний  
на́ших.**

**Поми́луй мя, Бо́же, / по вели́цей  
ми́лости Твое́й, / и по мно́жеству  
щедро́т Твои́х, // очи́сти беззакони́е  
моё.**

## **Стихи́ра.**

**Я́коже бы́л еси́ помо́щник и утёшителъ /  
мно́гим лю́дем в печа́лех и ско́рбех  
су́щим, / та́ко и ны́не, мо́лим тя́, святы́й  
пра́ведный Нико́лае, / исцели́ недуги́ и  
немо́щи на́ша, / душе́вныя вку́пе и  
телёсныя, / ве́руем бо, я́ко има́ши ве́лие  
дерзнове́ние ко Го́споду, // и а́ще  
восхо́щеша мо́жеша на́м помо́щи.**

## **Канон. Глас 8.**

**1.** *Истря́сшему в мо́ри мучи́тельство  
фарао́не, / и Изра́иля су́шею  
наста́вльшему, // по́йм Христу́́ яко  
просла́вился во ве́ки.*

**3.** *Небе́снаго кру́га / Верхотво́рче  
Го́споди, / и Це́ркве Зижди́телю, / Ты  
мене́ утверди́ в любви́ Твое́й, / желáний  
краю́ ве́рных утвержде́ние, // Еди́не  
Человеколю́бче.*

**4.** *Проро́к Авваку́м у́мными очима́ /  
прови́де, Го́споди, пришество́вие Твое́, /  
те́м и вопия́ше: / от ю́га приидет Бо́г. //*  
*Сла́ва си́ле Твое́й, сла́ва  
сниздо́ждению Твоему́.*

**5.** *Мра́к души́ моея́ разжени́,  
Светода́вче, Христе́́ Бо́же, /  
началоро́дную тьму́ изгна́в бе́здны, / и  
да́руй ми́ свѣ́т повелѣ́ний Твои́х,  
Сло́ве, // да у́тре-ню-я сла́влю Тя́.*

**6.** Я́коже проро́ка изба́вил еси́ / из  
глуби́ны преиспо́дня Христо́ Бо́же, / и  
мене́ от грехо́в мои́х изба́ви, я́ко  
Человеколю́бец, // и упра́ви живо́т мой  
молю́ся.

**7.** На по́ле Деи́ре, / ино́гда мучи́тель  
пе́щь поста́ви на муче́ние богоно́сных, /  
в не́йже три́ о́троки песносло́вяху  
Еди́наго Бо́га, / тро́ично воспева́ху,  
глаго́люще: // оте́ц Бо́же, благослове́н  
еси́.

**8.** Победи́тели мучи́теля и пла́мене, /  
благода́тию Твое́ю бы́вше, / за́поведем  
Твои́м зело́ прилежа́ще, / о́троцы  
вопия́ху: // благослови́те вся́ дела́  
Госпо́дня Го́спода.

**9.** Благослове́н Госпо́дь, Бо́г  
Изра́илев, / воздвигну́вый ро́г спасе́ния  
на́м / в дому́ Дави́дове, о́трока свое́го, /  
в ни́хже посети́ на́с восто́к с высо́ты // и  
напра́вил ны́ е́сть на пу́ть ми́ра.

## **Стихиры на: «хвалитех».**

### **Глас 7.**

**1.** Моли́ся Бо́гу, Нико́лае, / за гра́д тво́й  
и лю́ди, живу́щия в нём, / и все́м  
повсю́ду тя́ призыва́ющим, / бу́ди  
помощник и заступник, / ско́ро услы́ши  
и помози́ рабо́м твои́м, // и при́сно Бо́га  
моли́ о все́х на́с.

**2.** Подража́яй Волого́дским  
чудотво́рцем, / и́же освяти́ли страну́  
се́верную свои́ми трудо́й и по́ты, /  
ревну́я, поревновáл еси́ и́м, Нико́лае, / и  
соприча́стник в по́двигах и́м яви́лся  
еси́, / и со́нму и́х сочетáлся еси́, // вку́пе  
же с ни́ми моли́ся о душа́х на́ших.

**3.** Смирéнием, терпéнием и крото́стию /  
укра́сил еси́ ду́шу твою́, преподо́бне, /  
любо́вию же сия́ связу́я, / на твёрде́м  
ве́ры ка́мени основáл еси́ хра́м души́  
твоея́, / и Ду́х Святы́й обрете́ в не́й  
жили́ще себе́, / Те́мже моли́ся,  
преблаже́нне Нико́лае, // да вселит́ся и  
в на́с благода́ть Ду́ха Свята́го.

## **Глас 8.**

**Сла́ва Отцу́ и Сы́ну и Свято́му Ду́ху.**

**От** всяких недуг и печалей, / от  
искуше́ний и бе́д свободи́, / мо́лим тя́,  
преблаже́нне Нико́лае, / все́м лю́дем  
бу́ди помо́щник, / и ско́рое поможе́ние //  
и к Бо́гу ходата́й о душа́х на́ших.

**И ны́не и прі́сно и во ве́ки веко́в.**

**Ами́нь.**

**Все́х скорбя́щих Ра́досте / и оби́димых**  
**Засту́пнице, / Ма́ти Бо́га Вы́шняго, /**  
**заступи́ и от бе́д изба́ви нас, // Ты́ бо**  
**еси́, Богоро́дице, упова́ние на́ше.**

*Библиотека Вологодского кафедрального собора*

## **Служба святому праведному Николаю Вологодскому.**

**Чтения.**

**Диакон:** Премудрость.

**Чтец:** Премудрости Соломоновы  
чтение.

**Диакон:** Вонмем.

**Чтец:**

**П**раведных души в руке Божией, и не прикаснется их мука. Непщевани быша во очесех безумных умерети, и вменися озлобление исход их, и еже от нас шествие сокрушение; они же суть в мире. Ибо пред лицом человеческим аще и муку примут, упование их безсмертия исполнено; и в мале наказани бывше, великими благодетельствовани будут; яко Бог искусит я, и обрете их достойны себе. Яко злато в горниле искусит их, и яко всеплодие жертвенное прият я. И во

время посещения их возсияют, и яко  
искры по стéблию потекут. Судят  
языком, и обладают людьми, и  
воцарится Господь в них во веки.  
Надеющиеся на нѣ разумеют истину, и  
вернии в любви пребудут Ему. Яко  
благодать и милость в преподобных  
Его, и посещение во избранных Его.

**Диакон:** Премудрость.

**Чтец:** Премудрости Соломоновы  
чтение.

**Диакон:** Вонмем.

**Чтец:**

**П**раведницы во веки живут, и в  
Господе мзда их, и попечение их у  
Вышняго. Сего ради примут царствие  
благоления, и венец доброты от руки  
Господни, зане десницею покрывает я, и  
мышцею защитит их. Приемет  
всеоружие рвение свое, и вооружит  
тварь в мечь врагом. Облечется в  
броня правды, и возложит шлем, суд  
нелицемерен. Приемет щит



непобедимый преподобие: поострит же  
напрасный гнев во оружие: споборет  
же с ним мир на безумных, пойдут  
праволучные стрелы молниины, и яко  
отблагодругла лука облаков, на  
намерение полетят. И от  
каменометные ярости, исполнь падут  
грады: вознегодует на них вода  
морская, реки же потопят я нагло.  
Спротив стает им дух силы, и яко  
вихор развеет их: и опустошит всю  
землю беззаконие, и злодейство  
превратит престолы сильных.  
Слышите убо царие и разумейте,  
навыкните судий концев земли.  
Внушите держащие множества, и  
гордящиеся о народах языков: яко  
дана есть от Господа держава вам, и  
сила от Вышняго.


**Диакон:** Премудрость.

**Чтец:** Премудрости Соломоновы  
чтение.

**Диакон:** Вонмем.

## Чтец:

**П**раведник аще постигнет скончатися, в покой будет. Старость бо честна не многолетна, ниже в числе лет исчитается: седина же есть мудрость человеком, и возраст старости житие нескверное. Благоугоден Богу быв, возлюблен бысть, и живый посреде грешник преставлен бысть. Восхищен бысть, да не злоба изменит разума его, или лесть прельстит душу его. Рачение бо злобы помрачает добрая, и парение похоти пременяет ум незлобив: скончався в мале, исполни лета долга: угодна бо бе Господеви душа его. Сего ради потщася от среды лукавствия. Люди же видевше, и не разумевше, ниже положше в помышлении таковое: яко благодать и милость в преподобных Его, и посещение во избранных Его.



## Служба святому праведному Николаю Вологодскому.

По полиелеи.

Прокимен. Глас 4-ый:

**В**озвеселится праведник о Господе и  
уповает на Него.

**Стих:** **У**слыши, Боже, глас мой, всегда  
молитимися к Тебе.

Всякое дыхание.

**Евангелие** от Матфея, зачало **43:**  
**гл.11;27-30.**

*Библиотека Вологодского кафедрального собора*

## **Служба святому праведному Николаю Вологодскому.**

### **Седаљны по стихословии.**

**В**озгоревся сердцем твоим усердно работати Богу, последовал еси Христу тесным путем, вводящим в жизнь вечную. В нейже ныне ликовствуя, восприял еси мзду трудов твоих, молим тя, и нас не забуди, Николае, пред Богом твоими молитвами, да сподобит и нам уллучити милость в день судный.

### **Слава Отцу и Сыну и Святому Духу.**

**Я**коже ученицы Христови апостоли, последовал еси за Христом, не озираяся вспять, но радуяся шествовал еси по стопам Учителя твоего, Его же всем сердцем твоим возлюбил и в Его волю всего себе предал еси, и Ему даже до конца послужил еси.

**И ныне и присно и во веки веков.**

**Аминь.**

**Ка́мо бежи́м и где укрь́емся от гне́ва  
Пра́веднаго Судии́, иже грядёт и не  
зако́снит кому́ждо возда́ти по деломъ, и  
несть досто́йни отвёрсти скве́рная и  
нечистая уста́ наша, со страхомъ  
трепещу́щи вопие́м Ти́, Чистая:  
прибе́жище и защище́ние наше,  
милостиво при́зри на ны́ и поми́луй  
ны́, Тя́ бо стяжа́хом наде́жду и  
утеше́ние наше.**

## **Седален по полиелеи. Глас 7.**

**Возра́дуйтеся, бра́тие, вси́, иже в  
ско́рбех су́щии, се́ бо радость ве́лия  
дарова́ся намъ на утеше́ние,  
возблагодаримъ Бо́га нашего́,  
дарова́вшего намъ своего́ уго́дника и за  
нас те́плаго предста́теля и  
моли́твенника, ему́же мы́ грешни́и  
возопи́им: помози́ намъ, о́тче наш  
Нико́лае, и моли́ Бо́га о спасе́нии ду́ш  
нашихъ.**

*Библиотека Вологодского кафедрального собора*

## Служба святому праведному Николаю Вологодскому.

### Канон. Глас 8.

**Припев:** Святы́й пра́ведный Нико́лае  
Волого́дский, моли́ Бо́га о нас.

**Ирмос 1:** «Истря́сшему в мо́ри..».

Стра́нен был и не имёл еси́ где главу́  
подклони́ти, подража́я Христу́, и за сие́  
обрёл еси́ вѣчный покой и пребыва́еши  
в радости вѣчной.

**В** моли́твах и труда́х юродства всегда́  
пребыва́л еси́ с Бо́гом, преблаже́нне  
Нико́лае, и умом твоим, якоже на  
лёгких кри́лиях витал еси́ в го́рних  
высо́тах, иде́же Христо́с присно  
пребыва́ет.

**Во** плоти́, яко безплотен живя́ на земли́,  
со безплотными си́лами ду́хом твоим  
пребыва́л, и ны́не сия́еши в вѣчной  
сла́ве, кую́ предзрёл еси́ на земли́.

## Богородичен:

**В**се упова́ние на́ше на Тя возлага́ем,  
 Де́во Пречи́стая, Бо́га на́шего Ма́ти, не  
 презри моле́ния на́шего, и́бо вси́ в  
 скорбех к Тебе́ прибега́ем, я́ко к  
 Неруши́мой Стене́ и Предста́тельству.

**Катавасия: «Отвѣрзу уста́ моя́».**

**Ирмос 3: «Небе́снаго кру́га...».**

**В**ѣруем, я́ко имаши дерзнове́ние ко  
 Госпо́ду и можеши нам помо́щи, вси́ бо  
 прибега́ющии к тебе́ с ве́рою прие́млют  
 кийждо́ вся́ благая́ ко спасе́нию.

**П**риими́, о́тче Нико́лае, на́ша моле́ния  
 и воздыха́ния, има́мы бо тя те́плаго  
 предста́теля и в скорбех утѣшителя́ и  
 молим тя, помози́ нам, не остави́ нас  
 твоими́ к Бо́гу моли́твами, и да́руй нам  
 вся́ благая́ тя на помо́щь  
 призыва́ющим.

**С**паси́ и сохрани́ град сей, в нёмже  
 мнози́ труды́ и подви́ги совершил еси́, и  
 вся́ люди́ в нём живу́щия и на помо́щь

тя́ призыва́ющія и твою́ па́мять с  
любо́вию соверша́ющія.

### Богородичен:

Приими́, Госпоже́, Влады́чице,  
моли́твы недостойных ра́б Твои́х и  
спаси́ нас, Де́во Всепе́тая, Тя́ на  
по́мощь призыва́ющих и Богороди́цу  
войсти́нну имену́ющих.

### Седален. Глас 3.

Любве́ ради Бо́жия терпел еси́ оби́ды,  
посмея́ния, надруга́ния и лише́ния, и за  
сия́ раду́ясь Бо́га сла́вил, и со  
упова́нием на ми́лость Бо́жию ча́ял еси́  
пра́веднаго воздая́ния за труды́ тво́я.

Те́мже и ны́не: в Невече́рном Све́те  
пребыва́я, моли́ преблаже́нне Нико́лае,  
улучи́ти и нам ми́лость в де́нь судный,  
па́мять твою́ ве́рно почита́ющих.

### Слава и ныне:

На Тебе́ наде́емся, я́ко Всемо́гущую и  
Всеси́льную Помо́щницу на́шу, не  
отри́ни Любвеобильная Ма́ти, моле́ний



наших, в скорбех к Тебе воздыхающих  
и помощи у Тебе просящих. На Тебе  
надеемся и исповедуем, яко Ты еси  
Мати Всесильнаго Бога.

**Ирмос 4:** «Пророк Аввакум....».

**В**озжелел еси усердно работати  
Господу, днем и ночью трудился еси в  
молитве, не давая очима твоима  
дремания, ни покоя плоти твоей, тем и  
обрел еси у Христа Бога за труды твоя  
покой вечный.

**Я**коже издревле являл еси твою  
помощь людям, да не оскудеет и ныне  
на нас, но сугубо да почиет на всех  
людех, многими скорбьми  
обуреваемых.

**В**иждь, отче Николае, наши скорби и  
болезни, и веру нашу зриши, молим тя:  
услыши наша воздыхания и моления  
прими, и низпосли нам благодать от  
Бога и утешение, тя на помощь  
призывающих.

**Богородичен:**

**К**ий язык изглаголет по достоинству Твоя, Богородице, чудеса и знамения, коими мир весь обогатися, и вся земля славы Твоея исполнися. Да не оскудеет вера наша, молим Тя, Пречистая, да изливаются на нас милости Твоя богатыя.

**Ирмос 5:** « Мрак души...»

**М**илостив буди нам, святыи праведный Николае, молим тя, со всеми Вологодскими чудотворцами, умолите Господа, да спасет, помилует и сохранит Он землю нашу, грады и веси и храмы христианския невредимы от всех навет вражиих.

**П**омнит град наш, в немже ты мнози подвиги совершил еси и людие Вологодстии ублажают труды твоя, имиже прославил Бога и Бог на Небеси прослави тя.

**П**одаждь, Боже, здравие и спасение, мир и утешение рабом Твоим: иже любовью со благоговением чтущим

па́мьять Твоего́ уго́дника, Никола́я,  
его́же моли́твами проба́ви ми́лости  
Твоя́ на все́х люде́х Твои́х.

### **Богородичен:**

**У**блажа́ем Тя́, Де́во Пречи́стая, я́ко  
роди́ла еси́ Преве́чнаго Бо́га и Спа́са  
ду́ш на́ших, и мо́лим Тя́, изба́ви нас от  
та́йных и я́вных грехопаде́ний, от  
грехо́вных помы́слов, оскверня́ющих  
нас, и не оста́ви раб Твои́х, Тя́ на  
по́мощь призы́вающих.

### **Песнь 6:** «Я́коже проро́ка...».

**С** ве́рою упова́ем на ми́лость Бо́жию,  
я́ко дарова́ Бог гра́ду Во́логде и всем  
живу́щим в нем, теп́лаго предста́теля и  
засту́пника тя́, Нико́лае, и мо́лим тя́, не  
забу́ди нас при́сно пред Бо́гом  
моле́нием твоим.

**В**зе́м крест твой, последовал еси́  
те́сным путе́м за Го́сподом, Его́же ра́ди  
прелести́ мира́ отринув, радовался, я́ко  
приобрел еси́ безце́нный би́сер Христа́.

**В**елией скорби и печали предавались лю́дие гра́да Во́логды, егда́ пронесла́ся ве́сть о кончи́не тво́ей и вси́ от ма́ла до вели́ка поспешествовали ко тво́ему грóбу, взыва́я: не оста́ви на́с, Ни́ко́лае, но при́сно о на́с моли́ Бо́га.

### **Богородичен:**

**П**омози́ на́м, Ма́ти Бо́га на́шего, и в сей жи́зни и в бу́дущей, и изба́ви от ско́рби и печали, вси́ бо Тя́ стяжа́хом наде́жду и утеше́ние.

### **Кондак. Глас 4.**

**В**се́ упова́ние на Го́спода тво́его возложи́в, / отве́ргл еси́ вся́ кра́сная блага́я вре́менная, / му́жественне вся́ претерпел еси́ / да приобря́щеши блага́ вечная, / те́мже и Христо́с тя́ просла́ви, преблаже́нне Ни́ко́лае, / да́ром проро́чества и чуде́с обогати́ тя, / и я́ве пока́за́ си́лу моли́тв тво́их; / те́мже мо́лим тя́: / я́ко иму́щаго дерзнове́ние

ко Го́споду, / да мо́лиши Е́го дарова́ти  
на́м ми́р // и ве́лию и бога́тую ми́лость.

## Икос:

**Н**е утайся от людей свѣтлость житія  
твоего, и мнози людие с радостию  
желаше имѣти тя в дому своем, ведяху  
бо, яко Божий раб еси, ты же, желая  
уклонитися от молвы суетныя,  
прикрывал еси юродством твое  
благоразумие, но мы вемы твоя  
многотрудныя подвиги и болѣзни, их  
же Христа ради претерпел еси, и ныне  
предстоя Ему на Небеси, молим тя,  
святыи праведный Николае, моли Е́го  
дарова́ти на́м ми́р, и ве́лию и бога́тую  
ми́лость.

**Ирмос 7:** « На поле Деире...».

**Н**аучи нас, святыи праведный Николае  
молитися, и вразуми, како и чего  
просити, но сам ты веси, что на  
потребу нам, испроси благоприятными  
к Богу молитвами, да с тобой вопием

умилénно: отéц на́ших Бо́же,  
 благословéн еси́.

**У**крепи́ в нас ве́ру святу́ю и наде́жду,  
 Нико́лае, и утешение от Бо́га низпосли́  
 нам. Ви́ждь, ка́ко скорбь́ снеда́ет нас.  
 Ка́мо бежим, где́ укры́емся? Сего́ ради́  
 молим́ тя, помози́ нам, я́ко имейя́  
 дерзнове́ние ко Го́споду, моли́ся о нас,  
 да с тобо́ю взыва́ем: отéц на́ших, Бо́же,  
 благословéн еси́.

**Не** посрами́, святче́ Бо́жий, наде́жды  
 на́шей на тя, вси́ бо мы́ навико́хом тя́  
 на по́мощь призыва́ти и то́яжде у тебе́  
 проси́ти, и́бо ве́руем, я́ко можеши́ нам  
 по́мощи, вопию́щим: отéц на́ших,  
 Бо́же, благословéн еси́.

### **Богородичен:**

**Призри** с небесе́ на зéмлю, Цари́це  
 Небéсная, ро́ждшая Изба́вителя ду́ш  
 на́ших, погуби́вшаго на дрéве Крестнем  
 всю́ силу дрéвняго горда́го змíя,  
 борю́щагося присно́ с ве́рными рабы́  
 Твоими́. Не преда́ждь нас до конца́ в

волю его, но Самá заступи и помилуй нас, вопиющих: благословен Бог отец наших.

**Ирмос 8:** «Победители мучителя...».

**Б**дѣнными трудами и горячею к Богу молитвою поразил еси в конец гордаго мучителя рода человеческого диавола, иже уранен бысть и бежа со страхом от тебе, преблаженне Николае, избави и нас всех от злодейства его, вопиющих с тобою: благословите вся дела Господня Господа.

**Я**ко воин непобедим вооружився броней крепкия веры, и силою животворящаго креста Господня, посекал еси вся козни лукаваго, и в прах рассыпа наветы лестиваго, победоносно хваля Бога: благословите вся дела Господня Господа, и превозносите Его во веки.

**П**риими молитвы твоих меньших братьев, и избави нас от всяких бед, скорбей и напастей и не остави нас,

святе Нико́лае, в се́й жи́зни и в  
 бу́дущей, и побори́ борю́щия ны́ враги́  
 наша́, да с тобою́ вку́пе восхва́лим  
 Всевы́шняго: благослови́те вся́ дела́  
 Госпо́дня Го́спода, и превозноси́те Его́  
 во ве́ки.

### Богородичен:

**Простри́** ру́це Твои́ пречи́стии к  
 Твоему́ Сы́ну и Бо́гу наше́му, и умоли́  
 Его́, Милосе́рдная Ма́ти, яко да  
 милостив бу́дет к на́м, непотре́бным  
 рабо́м Свои́м, и не возда́ст на́м по  
 делом на́шим, но по сво́ей  
 неизрече́нной ми́лости, Его́же  
 благослови́т вся́кая тва́рь и  
 превозноси́т во вся́ ве́ки.

**Ирмос 9:** «Благословен Госпо́дь..».

**Мно́гими** скорбьми́ подобает на́м  
 вни́ти в Ца́рствие Бо́жие, си́е  
 помышля́я, Нико́лае, тве́рдо шествовал  
 еси́ тесным пу́тем, претерпева́я и гла́д,  
 и хла́д, и зно́й, от люде́й же злы́х  
 поноше́ния, посмея́ния, укори́зны, и



всякаго рoда глумлeннiя, и зeлo  
радoвался еси всeм сiм, Царствiя ради  
Бoжiя.

**Ж**eсткo твoе житiе прoводил еси: и не  
тoкмo не дая очiма твoйма дрeманнiя,  
но и многoтруднoй плoти твoей пoкoя  
не дал еси, дoндеже фараoна  
мыслeннагo пoбедил еси и силу eгo  
пoсрамил еси, и к Бoгу взывал еси,  
вопия: благoслoвeн Бoг, твoрiй чудеса  
Един, слава Тебe.

**Б**oгoугоднo потрудився, Бoгу угодил  
еси житиeм твoим, и Бoг тiя прoслави  
дарами Духa Святагo Свoегo, иже в тiя  
вселiся и дeйствoва прeславно, твoрiя  
тoбою чудеса, тiя же благодарнe вопиял  
еси: благoслoвeн Госпoдь Бoг мoй,  
твoрiй чудеса Един, слава Тебe.

### **Богородичен:**

**Н**e хотiй смeрти грешника, но eже  
oбратитися и живу быти eму, имиже  
веси судьбaми спаси мя недостoйнагo  
раба Твoегo, Госпoди, молитвами

Пречі́стыя и Пресла́вныя Богоро́дицы,  
и свята́го пра́веднаго Никола́я,  
поми́луй мя́.

### Светилен.

**Я**коже горя́щая свеща́ на свѣщнице,  
возсия́л еси́ гра́ду твоєму́, преблаже́нне  
Нико́лае, озаря́я луча́ми добродѣтелей  
твоихъ всю́ зе́млю Вологодскую́.

Просвети́ и на́ши мы́сли и сердца́  
свѣтомъ богоразу́мня, праждну́ющихъ  
пресвѣтло́ память твою́, да зове́м ти́:  
Ра́дуйся, преблаже́нне Нико́лае.

### Слава и ныне.

**Н**е возгну́шайся, Пречі́стая, моя́  
нечистоты́ и скверны́ телесныя, е́юже  
окаля́х мою́ плоть и ду́шу, не помяни́  
мно́жество беззаконі́й моихъ от юности́  
мною́ соде́янныхъ, но Сама́ заступи́ и  
поми́луй мя́.

## Служба святому праведному Николаю Вологодскому.

### Литургия.

**Прокимен:** Глас 7- «Честна́ пред Го́сподем  
смерть преподо́бных Его́».

**Стих:** «Что́ возда́м Го́сподеви о́ всѣхъ я́же  
воздаде́ ми».

**Аллилуарий:** «Блаже́н му́ж, боя́йся  
Го́спода, в за́поведехъ Его́ восхо́щет зело́».

**Стих:** «Си́льно на земли́ бу́дет се́мя его́».

**Апостол:** К Гала́том, зача́ло 213, гл.5,22-  
гл.6,2.

**Евангелие:** Зача́ло 24 от Лк. Гл.6, 17-23.

**Причастен:** « В па́мять ве́чную бу́дет  
пра́ведник, от слуха́ зла́ не убойт́ся».

### Молебен.

**Прокимен:** глас 7- «Возвеселит́ся  
пра́ведник о Го́споде, и упова́ет на Него́».

**Стих:** «Услы́ши, Бо́же, глас мо́й, внегда́  
моли́тимися к Тебе́».

**Евангелие:** Мф. Зач.43. Гл. 11, 27-30.

*Библиотека Вологодского кафедрального собора*

## **Служба святому праведному Николаю Вологодскому.**

### **Молитва.**

**О**, уго́днице Бо́жий и пресла́вный чудотво́рче, гра́да Во́логды необори́мая ограда́. Святы́й пра́ведный Нико́лае! К ико́не тво́ей припа́дающе, усер́дно мо́лим тя: воззри на на́с, с радостию и усер́дием па́мять твою́ соверша́ющих, с благоговéнием и вéрою под кро́в моли́тв твои́х прибега́ющих, и подвиги твои́ с любвию воспомина́ющих: ми́ра тле́нную красоту́ презре́л и недрема́нно духо́вныя подвиги соверша́л еси́, бде́ниями и поще́ниями омы́вая ду́шу слéз течéниями, денноно́щными моли́твами Бо́гу соверше́нно угоди́л еси́. Не утай́лась от жителе́й гра́да Во́логды све́тлость жити́я твоего́, и мно́гие жела́ше имéть тя в до́му своéм,

вѣдяху бо, яко раб Божий еси. Ты же, желая уклонитися от людской молвы, прикрывал еси юродством твоё благоразумие. Мы же, зная многотрудныя болезни твоя, их же Христа ради претерпел еси, и ныне предстоя на Небеси, молим тя, Николае, вознеси тёплое ко Господу моление, да освятит своєю благодатию души и телеса наша: ум просветит светом благоразумия, совесть нашу очистит от смертных дел, и дарует нам искреннее покаяние, сердцу сокрушение, слезы и умиление, воздержание и трезвость, чистоту душевную и телесную, да и мы совершивше в подвизах вся дни жития своего с тобою прославим дивнаго во святых своих Христа Бога нашего, ныне и присно и во веки веков.

**Аминь!**